



UKA 2015/154

Randi Vestergaard Evaldsen

13. oktober 2015

**Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu naalakkersuisunut kaammattuutigaa suleqatigiissitamik susassaqartunik attuumassutilinnik inuttalimmik pilersitseqqullugit, taassumalu suliaassarissagaa nunat pineqartut pingasut killeqanngitsumik niueqatigiinnissamik isumaqatigiissuteqassappata nunanilu avannarlerni killerni niuernermit siunnersuisoqatigiinnik pilersitsisoqassappat ataatsimut pissarsiarineqarsinnaasut nalunaarsornissaat. Suleqatigiissitamut suliaasarititat minnerpaamik ukuninnga ilaqassaput:**

- **Nunani avannarlerni killerni killeqanngitsumik niueqateqarsinnaanermut isumaqatigiissuteqarnerup, imaluunniit nunat marluk akornanni, soorlu nunatta Islandillu aamma nunatta Savalimmillu akornanni, isumaqatigiissuteqarnerit iluaqutigisinnaasai ajoqutigisinnaasaalu nalunaarsussallugit.**
- **Killeqanngitsumik niueqateqarsinnaanernikkut nunat sutigut iluaqutissarsisinnaanersut sutigullu ajoqutissarsisinnaanersut nalunaarsussallugu.**
- **Nioqqutissat, sullissinerit, aningaasat innuttaasullu killeqanngitsumik nikerarsinnaatillugit ataatsimut aningaasaqarniarnikkut suleqatigiiffiortoqarpat tamatuma iluaqutigisinnaasai ajoqutigisinnaasaalu nalunaarsussallugit.**
- **Nunat pingasut akornanni killeqanngitsumik ammasumillu niueqatigiissinnaanermi periarfissat aporfissallu suussusersiniarlugit nunat avannarliit killiit niuernikkut siunnersuisoqatigiiffiannik pilersitsinikkut iluaqutissat ajortutaasinnaasullu nalunaarsussallugit.**

(Aallartitat siulittaasuat Lars-Emil Johansen)

(Siullermeenera)

Assortorneqarsinnaanngilaq, Demokraatini partit paarnaaqqasuunngitsumik isummersortartut killeqanngitsumik niueqateqarsinnaaneq annertuumik illersorparput. Killeqanngitsumik niueqatigiinneq anneruppat, pitsaanersussaaq.



Killeqanngitsumik niueqateqarsinnaaneq pillugu isumaqatigiissutit kingunerisarpaat nunanik allanik niueqateqarneruneq, kingunerissavaalu nunami maani atuisartut tunisassiortullu pitsaanerpaanik akeqartitsinissaaq. Killeqanngitsumik niueqateqarsinnaaneq pillugu isumaqatigiissutit taamaasillutik kalaallit inuiaqatigiit aningaasarsiornerannut iluaqusiissapput.

Manna siunnersuut aqutugalugu nunat avannarliit killiit killeaanngitsumik niueqateqarsinnaatitaaneranni iluaqutissat akorngutillu misissorneqassapput, taamaattumik apeqqutaaneruvoq, ilumut Kalaallit Nunaat killeqanngitsumik niueqateqarnermut peqataassanersoq.

Demokraatini isumaqarpugut tamanna piaarnerpaamik misissorneqartariaqartoq aamma taamaattumik siunnersuutip aappassaaneerneqannginnerani Nunat Avannarliit Killiit Siunnersiusoqatogiiffianut suliareqqitassanngorlugu innersuunneqassasoq.